

Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

In Passionem D.N. Iesu Christi Homeliae quinquaginta sex, Theorematum
viginti octo, totidemque sermones. In Monotesseron Praeterea Eivsdem
Passionis Dominicae, iuxta Euangelistarum & historiae fidem, Elucidatio.

Conciones ad Haec Paraeneticae in praecipuis anni & Sanctorum
festiuitatibus habitae

Landsberg, Johannes Justus

Coloniae Agrippinae, Anno M.DC.XXVIIII

Iesus consummata omnia testatur arti. & hom. LI.

[urn:nbn:de:hbz:466:1-47113](https://nbn-resolving.de/urn/resolver.pl?urn=urn:nbn:de:hbz:466:1-47113)

sto, quam innuit hoc verbo, alia quoque sitis, aliudq; desiderium, amor videlicet salutis nostra. Sitiebat nostram salutem, & ideo sitiebat quoque in nobis puritatem, charitatem, innocentiam & virtutem. Sitis Christi erat, ut nos sitiremus bona spiritualia, caducis contemptis. Sitis eius erat, ut nos sitiremus fontem viuum celestis gratiae. Hæc sitis vehementer illum torquebat. Heu bone Iesu tu de siti clamas, de cruce files: coronam spineam sustines, & omnium vulnerum tuorum obliuisceris, & sitim solam conquereris. Quantum cruciat te bone Iesu nostra salutis desiderium. Iudei & gentiles tuum sitiunt sanguinem, te occidendo: tu eorum sitis salutem, pro eis moriendo. Quid ergo ahud dicas, cum dicis. Sitio, quam si dices, Plus me animarum vestiarum tenet salus, quam corporis mei cruciatus? Magis opto salutem vestram, quam meam sanitatem. Infirmus sum, sed propter vos: crucifixus sum, sed propter vos: toto sum corpore vulneratus, sed propter vos: sitio, sed propter vos: nec solum propter vos, sed sitio etiam, hoc est, desiderio crucior, amore æstu, ut obtineam vos. Misereamini vestri, misereamini etiæ mei, ut in hac parte sitim meam temperetis arque dolorem, hoc autem fiet, si vocem meam audieritis, neque obduraueritis corda vestra. Tollite igitur iugum super vos, & dñe à me, quia mihi sum & humili corde. Vituite innocenter, & sitim meam refocillabitis.

Siti sua quenam Christus suos mysticè docuerit.

Gula tentationes quomodo vinctæ. Tlren. 3.

Q Votiescunq; te gula tentat, quotiescunq; abstinentia videtur onerosa, quandocunq; iejunium grauat, aut si quando cibus videtur conditus recordare (quomodo scriptum est) absinthij & fellis, recole quomodo redemptor, tui causa sitiens, aceto & felle sit potatus. Certè si quis hanc Christi escam potumq; meditatus fuerit, parvū de cibo delicatori cogitabit. Quomodo enim nō meritò est erubescendum, vt Domino ac rege nostro esuriente ac sitiente, nec aliud præter fel acetumq; gustante, nos communes cibos fastidiamus, delicatoria suspiremus? Num æquum est, ipso esuriente, nos imbibari: ipso plorante nos ridere? Heu quam manifeste probat nos vita nostra, non esse regis huius milites, qui in cruce pro nobis esuriens sitiensq; pendit. Hi enim soli eius sunt milites, qui carnem suam crucifigunt cum concupiscentijs suis. De horum abstinentia, paupertate, afflictioneq; multa in libris legimus, ab operibus autem nostris omnia longè absunt. Iterum discimus hic sitire salutem animarum, De gloriam ac beneplacitum, iusticiam quoque, & pro his nulli parcere labori. Tertiò, si Christus animarum nostrorum sitit adeò salutem, quomodo nos eandem paruipendere? Optime autem fecerimus, si bene sancteç; vixerimus. Tunc enim tanquam neçtar preciosissimum Christo offerimus sitiensi ad bibendum. Admonemur etiam gustus oblectamenta non querere, sed ybicunq; possumus, euitare, & paucis esse contenti, vilibusq; gaudere escis, & ut appetitum nostrum exciter famas, non sapores.

Milites Christi qui soli sunt. Galat. 5.

Sitis spiritualis culicibus necessaria qua.

Nectar preciosissimus, quis Christo sitienti offratur. Gustus oblectamenta esse cuitanda.

I E S V S C O N S U M M A T A O M N I A T E S T A T U R .

Articulus L. I.

Ioan. 19. **C**V M ergo accepisset acetum Iesus, dixit: Consummatum est.

HOMI-

IN superioribus verbis nobis significatum est, Dominum Iesum Christum sellis atq; aceti potatum amaritudine: quæ cum gustasset, dixisse hic fertur: *Consummatum est*, significans nimurum omnem illam passionum amaritudinem, quam pro nobis gustauerat patiendo, nunc finem accipere: expletum esse quicquid Pater illi iniunxerat, consummataq; omnia, & nihil ultra restare, quam ut patri tradat moriens spiritum. O quam laudabile hoc verbum, o quanto preconio dignum, & quam salutiferum nobis. Quæcunque scriperant Prophetæ, quæ figuræ præfigerant, quæ iniunxerat deinde Pater: postremo, quæcunque nostræ erant redempti necessaria, Iesus obedientissimè consummavit. Non est dubium, cum hæc verba Iesus diceret, quin corde fuerit vulneratus, ut pote in summam cogens eas, quas redimendo nos, pro nobis exantlauerat, poenas. Quamuis autem naturale sit cuius homini, dum recolit ea quæ patiendo superauit, propterea quod transferunt, gaudere, non tamen absque gemitu recoluntur quæ tristia sunt, licet finem habent. Veruntamen hic, licet Christus omnia diceret consummata, non intelliguntur tamen ita consummata, ut iam patientiū nihil aliud restet, quia restabat adhuc amarissima mors. Vnde haudquaquam à pennis omnibus liber fuit Christus dum hæc diceret: sed ex ijs quæ fuerat passus, non poterat non imaginari eam, quæ iam instabat, pœnam amarissimam mortis. Non igitur erat absq; dolore, dum diceret: *Consummatum est*. Cogitabat enim tunc de instanti morte multò omnium maximè acerba. Quando igitur Christus ad Patrem dixit, *Consummatum est*, pro eo fuit, atque dixisset: Pater omnipotens, quæ scripta erant de me, perfeci omnia. Quicquid iniunxit mihi, consummatum est: hoc unum restat, mori & ad te redire.

Operæ nostra cunctæ quomodo perficienda, atque ad quemnam scopum destinanda sint.

Discamus longanimitatem tam in agendis bonis, quam patientiis aduersis seruare ac perseverantiam, ne exercitijs laboris vè nostri pereatas ac perfructus. Aliud est quod hic discitur, studia nostra atque opera pariter uerantia seromnia, quomodo propter Dei amorem incipienda agendaq; sunt, ita in eius Longanimitatem operæ no- laudem esse refundenda. Verbi gratia, ut nihil tibi ascribas, nil tibi vendices, stra vt pro nil tibi reserves, in nulla re te ipsum quæras, sed intentio, scopus, destinatio pieti Deum atque finis omnium sit tibi Deus. Tertiò discamus, omnia opera nostra Deo incipienda in vniōne operum Christi offerre. Verbi gratia, si comedis, in vniōne charitatis atque humilitatis Christi, qua dignatus hac humana refocillatione propter nos in terris vti, accedas ad cibum. Hoc modo facias in singulis necessarijs atque commodis, quibus corpori seruitur. Si vis orare, id facias in vniōne ilstræ vt Deo Iius devotionis seruentissimæ, qua Christus orauit Patrem. Si item misericordiæ vis opus cuipiam exhibere, hoc ipsum facito in vniōne misericordiæ Christi, qua gentibus miserisq; mirum in modum pronus est misereri, subvenire ac parcere. Qui opera sua hoc modo omnia in Deum dirigeret, atque Christo offerret, valde ea nobilia redderet, & Christo eadem faceret, atq; alias forent, acceptiora. Quartò hic discendum est, ita nobis esse viuendum, vt in Ultima hora vitæ nostræ securi atque cum gaudio conscientiaz dicere possimus: